

Краткий молитвослов

目
誦
經
文

Изг. А. Д. М.
1901 г.
Монгол.

天主降生一千九百零一年

北京東教宗北館

日誦經文

光緒歲次辛丑夏季

上海商務印書館代印

北京東教宗北
館掌院修士大
神父英諾肯提
乙重印

日誦經文

吾主、伊伊穌斯合喇斯托斯天主子、以諸聖神師祈
禱、矜憐我等、阿民、

榮光爾、我等天主、榮光爾、

在天之君、撫恤我等者、眞實之神、無所不在者、無所
不充滿者、萬善之寶藏者、施生活之主、祈降臨居我
等中、並潔淨我等諸污、至善者救我等靈、

聖天主、聖勇毅、聖常生、矜憐我等、

三次

榮光於父及子及聖神、自今至恒久、及無窮世、阿民、
至聖三者、矜憐我等、主、潔淨我等罪惡、君、赦免我等

愆尤聖臨蒞而療我等疾、悉因爾名、

主矜憐我等、

三次

榮光於父及子及聖神、自今至恒久、及無窮世、阿民、
在天我等父、我等願爾名見聖、爾國臨格、爾旨承行
於地、如於天、求今賜我等日用之糧、而免我等債、如
我亦免負我等債者、又不導我儕於誘惑、乃救我儕
於凶惡、因凡國、及權能、並光榮、皆係於爾於世世、阿
民、

聖母經

慶哉天主聖母、童貞女滿被聖寵之瑪喇阿、主與爾

偕焉、女中爾爲讚美、爾胎之果、並爲讚美、因爾生救
吾等靈魂之主、

早課經

既醒我感謝爾聖三者、因爾大仁慈及寬容之故、不
怒我罪愆者、並弗殞我於惡行之際、乃依素昔仁愛
我、我無聊偃臥之中、使起、持早課而稱頌主之權能、
今求光照我靈目、開我口、俾習誦主之諭言、且明識
主之誠命、承行主之聖旨、由衷情承認而賡颺、天主
聖父及子及聖神至聖之名、自今至恒久、及無窮世、
阿民、

又聖母經

誠應讚揚爾永福無玷、我等天主之母、我等讚揚爾、
逾叶嚕微木而尊、逾些喇肥木榮光無比、無損生天
主言、誠天主之母云、

飯前經

天主經

飯後經

感謝吾主合喇斯托斯、因爾飽我以世食、乞母遣我
於天庭、如昔顯見予爾宗徒、錫伊安寧、今亦見臨於
我等、錫以救贖、阿民、

晚課經

全能天主、爾護育使吾得生命、至斯夜感謝爾今日
聖手慷慨所賞諸恩、並因吾罪辜、獻痛心於爾、再求
以爾聖佑、庇蔭我於將寐際、並賜吾恒憶彼永遠安
息域、爾所備予諸愛爾者、使吾得入其數中、阿民、

信經

一我信惟一全能天主、聖父造成天地、及諸有形無
形之物、

一又信惟一主伊伊穌斯合喇斯托斯爲天主之獨
一子、諸世前生於父、由光者光、由眞天主者眞天

主受生而非受造、與父一體、萬物由彼而受造、

三彼爲我等人、又爲救我等、自天而來、因聖神降孕、
生於童女瑪喇阿而爲人、

四又爲我等被釘十字架、當珀尼特批刺特時、受害
乃瘞、

五及第三日復活、符於經典、

六升天坐於聖父之右、

七赫顯復來審判生死者、其國將無終、

八我信聖神施生之主、出於父、偕父及子同一欽榮、
藉先知者嘗諭、

九我信惟一聖而公、宗徒之教會、

十我認惟一聖洗、以獲罪赦、

十一我望諸亡者復活、

十二並來世之生、阿民、

天主十誠

一吾爲天主爾主、吾以外母以他物而更爲爾天主
也、

二母造捏偶人、及凡天上、地下、土中、水間、所有諸物
之像、母敬拜奉事之、

三母呼天主爾主之聖名、以發輕言、

四記憶以穌博特日、

日譯瞻卽安等息日日

主獻於主、其他六

日任爾做工、營爾諸務、至第七日、乃爲天主爾主

之穌博特日、

五孝敬爾父母、則吉祥必及於爾身、而延壽於世、

六毋殺人、

七毋行邪淫、

八毋偷盜、

九毋妄證、

十毋願他人妻、毋貪他人田莊僕婢牛驢等、並一切

凡係他人之物、

天主降生一千九百零一年五月下旬重印

日誦經文

日誦經文終

上海商務印書館代印